



CH-7144 Vella, 08/09/2017

Novitads dalla suprastonza communal

Sanaziun provediment d'aua a Morissen e Vella

Tenor la controlla e pareri digl uffeci per la segirezza da victualias e per la sanadad d'animals dil cantun Grischun ei la vischnaunca obligada da remplazzar la stiva d'aua cun pumpadi a Pellas, Vella, e da remplazzar il tumbin da rimnada Sum la Val, Morissen, tochen la fin da 2017. La suprastonza communal ha surdau las incumbensas per exequir las lavurs.

Lingia da meteor a Rumein

A Rumein sto la lingia per aua da meteor naven dalla parcella nr. 8499 per liung dalla via privata sin parcella nr. 8207 vegnir remplazzada muort che la capaciad dalla lingia satisfa buca al basegns actual. La suprastonza communal ha surdau las lavurs per realisar il project.

Vendita da terren a Silgin

La suprastonza communal ha decidiu da vender ad Andreas e Verena Hämmerli-Sauter, Scheuren, 27 m² dalla via communal sin parcella nr. 5856 a Silgin che sesanfla denter la parcella nr. 5851 e la parcella nr. 5852. Il vau public duei vegnir segiraus cun in dretg da passadi e da carrar sur il tschancun che vegn vendius.

Via d'uaul Surcasti - Silgin

La suprastonza communal ha surdau l'incarica d'elaborar in preproject per sanar la via d'uaul sil tschancun dall'anteriura vischnaunca da Vignogn denter Surcasti e Silgin.

Annunzia sanaziun da vias cantunales

La suprastonza communal ha annunziu agl uffeci da construcziun bassa da registrar el program d'investiziuns la sanaziun dalle vias tras Lumbrein e Vrin. En vesta al project per sanar il provediment d'aua a Lumbrein, duei quei liug haver prioritad.

Consultaziun tscheins per dretgs d'aua

Il cussegl federal meina atras ina consultaziun davart la revisiun dalla lescha federala sur l'utilisaziun dalle forzas hidraulicas dils 22 da december 1916. La suprastonza dalla cumionza d'interess dalle vischnauncas da concessiun ha elaborau ina posiziun e la suprastonza communal ha decidiu da sustener quella.

Lubientscha per arver stizun las dumengias

La suprastonza communal ha concediu alla Mazlaria Vrin la lubientscha dad arver la stizun sil plaz posta a Vrin durant las dumengias.

Elecziun da persunal

La suprastonza communal ha elegiu

- a) Andrea Portmann, Vrin, sco collaboratura per la partiziun generala dall'administraziun communal Lumnezia. Ella entscheiva sia lavur igl 1. da november 2017 e remplazza Selina Caduff che ha surpriu l'incarica sco menadra dalla partiziun da finanzas;
- b) Erica Brunold-Eugster, Vella, sco persona per schubergiar la Sentupada Lumnezia a Vignogn. Ella remplazza Ignazia Rupp.